



Selasa, 20 Desember 2020

Ogen: Masmur 102:4-15



Keke Tuhan Ngkelengi



Pengalaman kalak ibas geluh banci mpeturah pengakun siluar biasa man Dibata. C. S. Lewis ngatakan 'Tuhan mengijinkan kita untuk mengalami titik titik rendah kehidupan untuk mengajarkan kita pelajaran yang tidak bisa kita pelajari dengan cara lain' sebage pengalaman dingin pengarapen. Arah kata-kata siibelaskenna enda banci mpegegehi si ngoge ntah mbegisa ibas ngalaken erbage-bage situasi kegeluhen. Kepeken, kerina manusia pernah ngalaken perbeben seh kubas titik terendah ibas geluhna. Pemasmur pe kepe pernah ngalaken sibagenda rupana, ia ngadapi kesusahen seh maka kubas pengakunna ibas Masmur siisuratkenna sijadi ogenta paksa enda.

Pemasmur nuriken kecibal geluhna, kuga kecibal daging kula ras pusuhna si tuhu-tuhu getem. Kecibal pusuh sikote e mpengaruhi kubas daging kula. Bagi nina lagu Karo 'nakan pe la terpan ari turang, lau pe la terinem, pusuhku seh....' Ibas situasi sibage rupana Pemasmur ngasup denga ngidah Dibata ibas geluhna emaka man Bana tetap ia erpengarapen. Dibata keke lako ngkelengi , IA ncidahken perkuah ateNa.

Kecibal manusia si tuhu-tuhu kote, kelsehen situhuna banci jadi sada kesempatan guna erlajar kerna erti kegeluhen bagepe tole nandai Dibata. Sanga kita muas maka sigejab keleng ate kalak si nungghi kita. Sanga kita kelihen sigejab lit kalak si nampati kita guna ndatken pangan. Sanga kita kelsehen terdaram-daram kita pengapul ibas kalak sideban nari. Kalak si erkiniten ngasup ngidah maka kerina e banci jadi cara Dibata guna nampati kita ngertiken uga ergana kegeluhen enda. Tapi si jelas, Dibata la pernah kem natap kegeluhen anak-anakNa. IA pasti keke guna nampati kita, ibas kerina kecibal kegeluhenta. Sedekah umur geluhnta, enggo nge siidah erti perbeben ras kesusahen arah kacamata kiniten?